

НҰР-СҰЛТАН ҚАЛАСЫНЫҢ  
МӘСЛИХАТЫ  
ҚҰРЫЛЫС, ЭКОЛОГИЯ, КӨЛІК, САУДА  
ЖӘНЕ ТҰРҒЫН ҮЙ-КОММУНАЛДЫҚ  
ШАРУАШЫЛЫҚ МӘСЕЛЕЛЕРІ  
ЖӨНІНДЕГІ ТҰРАҚТЫ КОМИССИЯ



МАСЛИХАТ  
ГОРОДА НУР-СҰЛТАН  
ПОСТОЯННАЯ КОМИССИЯ  
ПО ВОПРОСАМ СТРОИТЕЛЬСТВА,  
ЭКОЛОГИИ, ТРАНСПОРТА, ТОРГОВЛИ И  
ЖИЛИЩНО-КОММУНАЛЬНОГО ХОЗЯЙСТВА

010000, Нұр-Сұлтан қ., Бейбітшілік к.сі, 11 үй  
тел.: 55-66-31, 55-66-35, факс: 55-72-94

010000, г. Нур-Султан, ул. Бейбитшиллик, 11  
тел.: 55-66-31, 55-66-35 факс: 55-72-94

№  
12.06.2022 № 3 ге

**Тұрақты комиссияның  
2022 жылғы 12 маусымдағы  
қаулысы**

**Жергілікті атқарушы  
органның Нұр-Сұлтан  
қаласында қаңғыбас иттер  
мен мысықтарды аулауды  
және жоюды ұйымдастыру  
бойынша жүргізген жұмысы  
туралы**

Нұр-Сұлтан қаласы мәслихатының құрылыс, экология, көлік, сауда және тұрғын үй коммуналдық шаруашылық мәселелері жөніндегі тұрақты комиссиясы жергілікті атқарушы органның Нұр-Сұлтан қаласында қаңғыбас иттер мен мысықтарды аулауды және жоюды ұйымдастыру бойынша жүргізіп жатқан жұмысы туралы ақпаратты тыңдап және талқылап, келесіні атап өтеді.

Қала бойынша иттер мен мысықтарды аулаумен Нұр-Сұлтан қаласы әкімдігінің ШЖҚ «Астана ветсервис» МКК-ның 4 бригадасы айналысады. 2020 жылы - 7 669 жануар, 2021 жылы 9 009 қаңғыбас жануар ауланды.

Қараусыз қалған иттер мен мысықтарды аулауға өтінімдер 109 iKomek мониторинг қызметі орталығынан және Нұр-Сұлтан қаласы әкімдігінің ШЖҚ «Астана ветсервис» МКК жске телефоншына келіп түседі. 2020 жылы - 4 658, 2021 жылы 5 870 өтінім түскен.

Ауланған иттер мен мысықтар уақытша ұстау изоляторында (бұдан әрі – Изолятор) ұсталады, онда қараусыз қалған жануар иесіне қайтарылғанға дейін немесе үшінші тұлғаға тапсырылғанға дейін 60 тәулік бойы торда болады. Бүгінгі таңда Изолятор аумағында 2691 ит пен 619 мысық ұсталуда, ал объектінің сыйымдылығы 300 ит пен 100 мысыққа арналған. Изоляторда жануарлар карантиннен және чиптеу рәсімінен өтеді, сондай-ақ ол жерде елорда тұрғындарының үй жануарлары мен қаңғыбас иттер мен мысықтарды құтырмаға қарсы ветеринариялық-профилактикалық егулер және дегельминтизациядан өткізу іс-шаралары жүргізіледі.

Нұр-Сұлтан қаласында қаңғыбас иттер мен мысықтардың санын реттеу мақсатында 2018 жылдан бастап тұрақты түрде үй жануарларыш стерилизациялау және ұрықсыздандыру жүргізілуде.

Қазіргі уақытта Нұр-Сұлтан қаласының аумағында үй жануарларын ұстау және серуендету қағидалары және жануарларды аулау, уақытша ұстау және жансыздандыру қағидалары әзірлеу сатысында.

Елордадағы үй жануарларын сәйкестендіру үшін 15 000 чип сатып алу жоспарлануда. Үй жануарларын есепке алу жөніндегі ақпараттық сервиске қолжетімділікті сатып алуды ұйымдастыру үшін жұмыстар жүргізілуде.

Елорда аумағында иттерді серуендетуге арналған 6 алаң мен сквер бар: Жағалау ш.а., Ш.Айтматов көпесі, 36/1, Пушкин көпесі, 15 мекенжайы бойынша аула ішінде және қоғамдық кеңістік аумағында, Ш. Құдайбердіұлы даңғылы мен Пушкин көпесі қиылысындағы ескек каналы жағалауы бойындағы сквер, Көктал тұрғын алабы, Еңлік Кебек көпесі, 12-105, 12-102, 167 ауданында.

Нұр-Сұлтан қаласының аумағында жануарларға арналған мемлекеттік баспаналар мен 9 жеке баспананың болуына қарамастан, қаңғыбас жануарлар санының көптігіне байланысты оларды орналастыру проблемасы әлі де бар, жануарларды тіркеудің бірыңғай жүйесі жоқ.

Үй жануарларын серуендетуге рұқсат етілген орындардың жетіспеушілігі, сондай-ақ үй жануарларын серуендетуге арналған алаңдардың жабдықталуы өзекті мәселе болып қалуда.

Жоғарыда баяндалғанның негізінде Нұр-Сұлтан қаласы мәслихатының құрылыс, экология, көлік, сауда және тұрғын үй коммуналдық шаруашылық мәселелері жөніндегі тұрақты комиссиясы **ҚАУЛЫ ЕГІТІ:**

1. Жергілікті атқарушы органның Нұр-Сұлтан қаласында қаңғыбас иттер мен мысықтарды аулауды және жоюды ұйымдастыру бойынша жүргізіп жатқан жұмысы туралы ақпарат назарға алынсын.

2. Нұр-Сұлтан қаласының әкімдігіне:

қоғамдық ұйымдарды тарта отырып, жануарларды аулау, уақытша ұстау және жансыздандыру қағидаларын қайта қарау;

жануарларды аулау, уақытша ұстау және жансыздандыру бойынша қадамдық іс-әрекет алгоритмін жасау;

«Нұр-Сұлтан қаласының жасыл белдеуі» аумағында қараусыз қалған ауыл шаруашылығы жануарларын анықтау және қаңғыбас иттер мен мысықтарды аулау жөніндегі іс-шаралар жоспарын бекіту;

Ақмола облысының уәкілетті мемлекеттік органдарымен бірлесіп «Нұр-Сұлтан қаласының жасыл белдеуі» аумағында қараусыз қалған үй жануарлары бойынша жағдайды реттеу жөнінде жоспар әзірлеу;

жануарлардың иелерін тіркеуді қамтамасыз ету жөнінде шаралар қабылдау;

қағидаға рұқсат етілмеген жерлерде жануарларды серуендеткені үшін иелерінің жауапкершілігін қатаңдатуға қатысты өзгерістер енгізу;

2019 жылы пайдалануға берілген мысықтар мен иттерге арналған санитарлық құрылысы туралы, мердігері және кешілдік мерзімі туралы мәслихатқа ақпарат беру;

орталық уәкілетті органға жануарларды өсірумен табыс алу үшін айналысатындардың қызметін лицензиялау, сондай-ақ үй жануарларын ұстауды регламенттеу қажеттігі, мысалы, тұрғын үйдің бір шаршы метріне жануарларды ұстау жөніндегі нормаларды бекіту туралы ұсыныстар енгізу;

халықаралық тәжірибені ескере отырып, қараусыз қалған жануарларды ұстау үшін жеке инвестицияларды тарту бойынша ұсыныстар енгізу ұсынылсын.

3. Осы қаулының орындалуы бойынша ақпаратты қалалық мәслихатқа бір ай мерзімде беру қамтамасыз етілсін.

**Нұр-Сұлтан қаласы мәслихатының  
құрылыс, экология, көлік, сауда және  
тұрғын үй-коммуналдық шаруашылық  
мәселелері жөніндегі тұрақты комиссиясының  
төрағасы**



**Б. Котырев**